

ادبیات عمومی و تجربی

هفته‌لق سیاسی ، ادبی و علمی غزته‌در .

جلد : ۱

سنه : ۱ ۲۹ جمادی الآخر ۱۳۳۵ جمعه ایرتسی ۲۱ نیسان ۱۹۱۷ نوسرو ۲۵

استانبولمه داتر

فائق عالی بك افندیك لاله دورینه عاقل اوله‌رق یازدینی
هاله منظومه‌دن بر قاج صحیفه :

بك آرزمانده نه كاشانه‌لر ، نه جنتلر
وجوده كلدی . . سزك سایه‌كزده . .
ابراهیم پاشا

یوق ، یاپیلان
تصورتك آنجوق مقدماتی . . . زمان
مساعد اولسه . . .

— بر تفكردن صوكره —

بوكونلر باشمده غائله‌لر
تعاقب ابتدی وایتمكده . . نه‌یسه . .
ندیم

هپمی كچر .

ابراهیم پاشا

كچر ، ویزده برابر . . ندیم افندی حیات
آقان صولر کبی بیلمز نه‌در سکون و ثبات .
سنگ بونشته‌گه ، لاقید اضطراب و كدر
خیال وحسكه بیلسه‌ك كوكل نه‌غبطه ایدر .

ندیم

پاشام ، وزیر نجیم ، ولی نعمته آه
اولونجه بختك انجام کاری خاک سیاه ،
براق ، ندیم نزارك خیال شوخندن
بوکریه خانه‌ده بر قاج ترانه‌خندان
یارینکی نسل کدرناکه ارمان اولسون ،
نیچون ترانه‌شاعر بوتون فغان اولسون ؟

ملال دهری ده بن! مدار ذوق ایتدم.

ابراهیم پاشا

سنگه بنده اساساً بوحسده متحدم ،

فقط . .

— الیله صقالنی طوته رقی —

بویاشده برار خنده نكده ، شوقكده

بكا ایدر کبی بر حالی وار . . امللرده

او اسکی جوشش و آتش بولونمور . . نه یسه

زمانه ، شتون جهان بنده ساده بر حسه

دکل فتور و کسل برسکونده ویرمدی هیچ ،

یاشمله صانکه بومیل آرتیور علی التدریج

— حامی به توجهله کولومسه یهرك —

ندیمك هپ او آرتان جنون عشقی کبی .

حامی آمدی — کندی کندینه —

هیچ اختیارلاماش صدراعظمك قلبی ،

ابراهیم پاشا — دوام ایله —

بر ابتلا بوده ، هیچ شبهه یوق . . ناصل که سزه

دمینده اکلایوردیم : بوشهر پاکیزه

بوکون یکانه پرستیده خیالمدر .

نه یاپسه م آز کورورم . . کوکلم او یله ایسترکه

بو بی منند ارستان رنك و آهنگی

— فقط بوحسسی بیلم ناصل بیان ایدهم —

کال حسن ایله معشوقه جهان ایدهم .

— بر وقار ایله آخر آخر —

سیاستكده بواجبایدرد . . . علی العاده

منال و مال ایله بر موقعك بوعالمده

کفایت ایلیه من بنجه یالکز احرازی ،

اوشیده برده کرکدر لیاقت ابرازی ؛

سرلشیمه ایغر مشق قاهر فردا .

اجانبك ید تقدیر واهتمامنده

مسیره شکلی آلیرکن قوراق ، چوراق یرلر

قصورمنله بومعموره طبیعت اگر

قالیرسه بویله بریشان ، بیقق ، چامور ، طوپراق

نه دیر بوحاله جهان ؟ هایدی طعن خصمی براق

عطای قدرته کفران دکلی ؟ جوق کفران .

ندیم

جهان ، مآثر دولتمآ به هپ حیران . .

ابراهیم پاشا

وجوده کلدی ، اوت آز زمانده بر قاچ اثر ؛
 فقط مقدمه در یامش اولدیغم شیلر ..
 — نجره سنک حاکم اولدینی مناظر لطیفه یه نکران —
 بوتون سوقاقلری مینایه لعل و الماسه
 سزا ، دکلی اکر غرق ایداسه قاپلانسه .
 — حامی یه توجهله —

سامی ، بحر دلاراسی ، فخری ، شام ولیلی کبی

حامی

اوت عروس لیاک منام نیلی کبی
 سما بودلبره بر جله اولسه لایقدر .

ندیم

ندیم اکرچه سرآزاده علاقدر ،
 بوابتلاده افندیله بنده مشترک
 فدا بنده بو حسن جهانده ماملکم
 که ساده جوهر جانددر ..

ابراهیم پاشا — متبسم —

اصلا بن

بو عشقه باشقه سنک اشتراک حسندن
 معذب اولام ، اوت بلکه ملشرح .. نته کیم
 دمن دیدمدی که معشوقه جهان ایدیم .
 سز ، ای مدار مباحات ملک اولان شعرا ،
 یازک ، ملکه بلدان ایچون مدیحه سرا ،
 قصیده خوان معالی اولک .. بو بر عالم ،
 عروس ملکه بو بر جله فروغ وحشم ..
 بوعدن خاکی دمام ترنم ایله یکنز ؛
 فسون عشق ایله پر ، نغمه پیاییکنز
 بوتون بومملکتک قلب ایتالنده
 بو عشق بسله یه رک ، بر عقیده حالنده
 تمرکز ایتدیره جک بر صدای سحر و فسون ،
 بو سینه لرده برر نفخ نار و نور اولسون .
 بونک ضیاعنه عائد ولو ضعیف و بعید
 بر احتمال ایله هرکس ، کرک شقی و سعید ،
 کرک فقیر و غنی ، هر دقیقه تیره ملی .
 وطن بناسنک انجق بودر بوکون ملی ،
 وجود مملکتک قلبی ، روحیدر ، بوشهر
 اونو تملک که بر آماج حرص طالدر .

صیانت ایتک ایچون روز و شب همان غیرت . .
 خلیفه دن طوتک اک مقتدر ، یا بی قدرت
 عموم ناسه بواقصی المقاصد اولماید .
 اگر کیدرسه بو ، بنیانی مملکت ییقلیر .
 قناعتم بوکه استانبول آلدی اولمازسه
 نه صوکره کعبه بزمدر ، نه مسجد اقصی .
 نبی محترمک مظهر شناسی اولان
 بوشهره حرمتی هم مقتضای دین و وطن
 وهمده پک مدنی بر وجیهه عد ایدرم .
 بوشهره طائد اولان حسلم ، دوشونجه لرم
 صورپذیر وجود اولسه ! . . . سز کوروک نه اولور !
 — کولومسه یرک —
 حقیقه یکی بر بلده فسانه اولور .

فائز عالی

محیط

زمانم زده محیطاتک تدقیق علمانک مشاغل مهمه سندن برینی تشکیل ایدر . [مهسه لوژی] ایلریده
 اساسلی بر فن اوله بیلیر . بتون مؤثرات محیطیه ، تفرعاتنه وارنجهیه قدر علی العموم اسباب تحول
 بیلینه جک اولورسه ، تاریخ ، آرتق بر صنعت اولفدن چیقوب فنون قطعیه عدادینه کیرر . هر
 شیئ بیلسه ک ، کرک مکونات فلکیه یی ، کرک مکونات بشریه یی اداره ایدن قوانینه ده مطلع اولمش اولورزه .
 قانت Kant دیورکه : « کافه اعمال و حرکاتم آنلردن اولکی اعمال و حرکات ایله مناسبت
 ضروریه ده درلر . یعنی آنلر ، اسباب و محرکری ایله مناسبتده بولونیورلردی . بتون افکارم ، بتون
 احتراصات و آمانز بیلنسه ایدی حرکت مستقبله مزده حساب ایدیله بیلیردی . آیک ویا کونشک طوتولسی
 نصل بر حساب قطعی ایله کشف و تخمین اولنیورسه ، آتیزده ، اولهجه بیلنیردی . » مع التأسف
 بونلری بیلیمک همان همان خارج از امکاندر . کذلک ماضیه طوغری ده اعمال و حرکاتک حسابی
 یاپه مدیغمزدن قوانین تاریخیه یی کوجلکله استخراج ایدیورز . کشفیاتم ، کشفی لازم کلنک ملیونده
 بری بیله دکلدیر .
 « انسان وارض » مؤلفی [آلزیه ره قلو] نسبة یکی اولان بو اثرنده محیطات حفنده هر نه

سویلنمش و یازلمش ایسه کوزلجه خلاصه ایدیور . [*]

اوزون تدقیقاتدن استفاده اولونان نتیجه شودر : سیاره ارضک اراشه ایتدیکی خطوطده کی عدم
 مساوات تاریخ بفریتده کوریلن تنوع و تخالفک سببدر . بو خطوطدن هربری انواع بی نهایت اشیا
 آره سنده بروقه ویا حادثه یی انتاج ایتشدیر . De greef دیورکه (حیات ، محیط ایله مطابقت دیمکدر)
 [فون ایهرینگ ده] Von Ihering (طوپراق ، بتون ملندر) ادعاسنده بولونیور . بوندنی ایکی
 بیک سنه اول بقراط [اپیوقراتیس] بو حقیقی ، آتنده ، طلبه سنه شرح ایدیوردی . آنک
 کشف ایتدیکی انواع محیطات ، بالاخره ، [مونته نی] Montaigne ، [بوده ن] Bodin ،
 [مونته سکیثو] طرفندن - پک ناعام اولقی اوزره - تفصیل ایدلای . آنجق اون طقوزنجی عصرده

[*] L ' Homme et la terre , Milieux telluriques . vol . 1 .